

Pacáiste eolais d'iarrthóirí

Innealtóir maidir le Fuinneamh Bia Mara agus Laghdú ar Charbón (Innealtóir Grád I)

An dáta deiridh a nglacfar le hIarratais:

3 Meitheamh 2025



Is comhlacht leathstáit neamhthráchtála é BIM a bunaíodh go foirmiúil faoi reacht (An tAcht lascaigh Mhara, 1952). Gníomhaireacht de chuid Stát na hÉireann é BIM atá freagrach as tionscal bia mara na hÉireann a fhorbairt. Is gníomhaireacht de chuid na Roinne Talmhaíochta, Bia agus Mara agus de chuid líonra Ranna Rialtais eile, gníomhaireachtaí leathstáit, páirtithe náisiúnta agus idirnáisiúnta mara é BIM.

Tá ceithre aonad gnó san eagraíocht: Seirbhísí Teicniúla Bia Mara, Seirbhísí Corparáideacha, Seirbhísí Forbartha agus Nuálaíochta, Seirbhísí Eacnamaíocha agus Straitéiseacha, agus tacaíonn an Phríomhoifigeach Feidhmiúcháin leo sin. Tá Ceannoifig Bhord lascaigh Mhara i nDún Laoghaire, Co. Bhaile Átha Cliath. D'fhoneo tacú leis an earnáil bia mara, tá cuid d'fhoireann BIM lonnaithe go straitéiseach sna pobail cois cósta a mbíonn siad ag freastal orthu, lena n-áirítear oifigí i nGaillimh agus sna Cealla Beaga. Ina theannta sin, tá dhá Choláiste Náisiúnta Oiliúna BIM lonnaithe sa Chaisleán Nua, Co. Dhún na nGall agus i mBaile Chaisleáin Bhéarra, Co. Chorcaí.

Tá sé d'aidhm ag straitéis BIM feabhas a chur ar iomaíochas earnáil bia mara na hÉireann trí dhíriú ar na príomhthosaíochtaí straitéiseacha seo a leanas:

- Ceannaireacht a stiúradh agus a chothú
- Torthaí a chur ar fáil le réitigh a bhfuil tionchar acu ar athrú a dhéanamh
- Infheistíocht a dhéanamh i bhfás fadtéarmach
- An comhshaol agus an earnáil a chosaint

Ár Misean

Tacú le luach a mhéadú maidir le hearnáil inbhuanaithe bia mara na hÉireann, ar fud an tslabhra soláthair, ó ghabháil go dtí an tomhaltóir, agus sin a éascú.

Ár bhFís

Rachaimid i gcomhpháirtíocht le hearnáil bia mara na hÉireann le rún agus le práinn chun na hathruithe atá de dhíth a aithint agus a chur chun cinn le go mbeidh an todhchaí inbhuanaithe.

Ár Luachanna

Iontaobhas

Comhpháirtíocht

Obair Foirne

Cuimsiú

Ionracas



Cuntas ar an Ról	
Teideal an phoist:	Innealtóir maidir le Fuinneamh Bia Mara agus Laghdú ar Charbón (Innealtóir Grád III)
Conradh:	Conradh sainchuspóra sealadach ar feadh uastréimhse suas go dtí an 31 Nollaig 2027 (EMFAF)
Áit:	D'fhéadfadh an post a bheith lonnaithe i gCeannoifig BIM, Dún Laoghaire, Contae Bhaile Átha Cliath, nó in aon cheann d'Oifigí Réigiúnacha BIM (Is féidir iarratas a dhéanamh ar obair hibrídeach freisin).
Struchtúr Tuairiscithe:	Stiúrthóir Seirbhísí Eacnamaíochta agus Straitéiseacha
Grúpa Seirbhíse:	An tAonad um Sheirbhísí Eacnamaíochta agus Straitéiseacha


Cur síos ar an
nGrúpa
Seirbhíse cuí:

An tAonad um Sheirbhísí Eacnamaíochta agus Straitéiseacha

Tá an tAonad um Sheirbhísí Eacnamaíochta agus Straitéiseacha (ESSU) freagrach as sonraí eacnamaíochta ar bhia mara ar fud an domhain a bhailiú, agus measúnú agus anailís a dhéanamh orthu d’fhonn treoir luachmhar thráchtála a chur ar fáil do Thionscal Bia Mara na hÉireann de réir mar a thugann sé aghaidh ar threochtaí agus ar dhúshláin atá ag athrú.

Tacaíonn an ESSU le BIM chun straitéisí a chruthú d'fhorbairt tionscail bunaithe ar anailís daingean a dhéanamh ar shonraí, eolas agus treochtaí domhanda chun aghaidh a thabhairt ar dhúshláin agus deiseanna a aithint, mar aon le bheith ag cur le cumas BIM i ndáil le húsáid sonraí chun léargais a chur ar fáil a dhéanann eolas do chinnteoireacht ag leibhéal eagraíochta.

Chomh maith leis sin, cuireann an tAonad tacaíocht theicniúil agus léargas ar fáil don Roinn Talmhaíochta, Bia agus Mara (DAFM), do thionscal bia mara na hÉireann, d'Fhoras na Mara agus don Údarás um Chosaint Iascaigh Mhara (SFPA) ar réimsí beartais iascaigh.





Achoimre ar an Ról

Cuideoidh an tInnealtóir maidir le Fuinneamh agus Laghdú ar Charbón le tionscadail aistrithe fuinnimh a fhaigheann maoiniú faoin gCiste Eorpach Muirí, lascaigh agus Dobharshaothraithe (EMFAF) a chur i gcrích agus a mheas. Bainfear sin amach trí thacaíocht theicniúil agus sainchomhairle a chur ar fáil don earnáil gabhála agus don earnáil dobarshaothraithe maidir le laghdú fuinnimh agus carbóin. Thar aon ní eile, díreofar sa ról seo ar thacaíocht a thabhairt d'úinéirí soithí éifeachtúlacht bhreosla a mhéadú agus astaíochtaí GHG ar shoithí iascaireachta a laghdú chomh maith le soithí tacaíochta dobarshaothraithe. Cuirfear an tacaíocht sin ar fáil trí shainchomhairle a sholáthar maidir le feabhsuithe ar chórais tiomána, cineálacha breosla, giniúint fuinnimh ar bord, chomh maith le hiniúchtaí fuinnimh a dhéanamh ar bord soithí iascaireachta mar go mbaineann sé le cúnamh deontais faoin EMFAF. Oibreoidh an duine seo go dlúth le Bainisteoir um Chaomhnú lascaigh BIM ar fhearas iascaireachta atá tíosach ar fhuinneamh agus córais ghaolmhara.

Ina theannta sin, tacóidh an tInnealtóir maidir le Fuinneamh agus Laghdú Carbóin le tionscadail creatlaí oibre BIM a fhaigheann maoiniú faoin EMFAF chomh maith le tionchar na dtionscadal a mheas agus monatóireacht a dhéanamh orthu.

Tá sé riachtanach do BIM go mbeidh eolas mionsonraithe ar dhearadh agus feidhmiú soithí ag an iarratasóir a n-éireoidh leis/léi agus gur féidir leis/léi oibriú leis an earnáil bia mara agus le húinéirí aonair chun an t-aistriú fuinnimh ó bhreoslaí iontaise a chur chun cinn mar ionchur don Chomhaontú Glas don Eoraip agus i gcomhréir le beartas Rialtais ar bhearta maidir leis an athrú aeráide.

Beidh an ról seo maoinithe faoin gCiste Eorpach Muirí, lascaigh agus Dobharshaothraithe (EMFAF 2021 go 2027).




Cúlra leis an Riachtanas

Gníomhaireacht de chuid Stát na hÉireann é BIM atá freagrach as tionscal bia mara na hÉireann a fhorbairt. Tacaíonn sé le pobail agus tionscal bia mara na hÉireann lena chinntiú go n-úsáidtear acmhainní uisceacha agus muirí ar bhealach inbhuanaithe.

Is éard is príomhspríoc le Comhaontú Pháras ná bainistiú inbhuanaithe na n-acmhainní nádúrtha a bhaint amach chun astaíochtaí GHG a laghdú agus go háirithe chun astaíochtaí CO₂ ó dhó breoslaí iontaise a laghdú. Tá an sprioc sin léirithe i gceann de na príomhchuspóirí san EMFAF maidir le *‘Éifeachtúlacht fuinnimh a mhéadú agus astaíochtaí CO₂ a laghdú trí na hinnill ar shoithí iascaireachta a ionadú nó a nuachóiriú’*. Tugtar tuilleadh aitheantais don sprioc sin sa Chumarsáid le déanaí ón gCoimisiún Eorpach, *‘Maidir le hAistriú Fuinnimh Iascaigh an AE agus na hEarnála Dobharshaothraithe’*. Tarraingítear aird sa Chumarsáid sin ar an ngéarghá atá leis an earnáil gabhála aistriú ó na breoslaí iontaise chun astaíochtaí GHG a laghdú agus brabúsacht, inbhuanaitheacht agus teacht aniar na hearnála amach anseo a chinntiú. Tá idir dhúshláin rialála agus dúshláin teicneolaíochta roimh an earnáil gabhála chun tabhairt faoi aistriú fuinnimh. Is féidir le feabhsuithe san éifeachtúlacht fuinnimh an gá atá le hinfheistíocht a dhéanamh i mbonneagair fuinnimh a laghdú, costais breoslaí a laghdú, iomaíochas a mhéadú agus an tionchar atá ag an iascaireacht ó thaobh an chomhshaoil de a laghdú.

Tá ról tábhachtach ag BIM, mar an ghníomhaireacht forbartha bia mara, cuidiú leis an earnáil tabhairt faoi na dúshláin atá roimpi maidir le húsáid fuinnimh chun cuidiú leo inmharthanacht a chothabháil. Is féidir sin a bhaint amach trí aistriú chuig breoslaí malartacha, feabhas a dhéanamh ar chórais tiomána, giniúint fuinnimh éifeachtach ar bord agus trí fheabhas a chur ar fhearaí iascaireachta. Cé go bhfuil saineolas ag BIM faoi láthair ar roinnt de na réimsí sin, tá easnamh sa mhéid eolais atá acu maidir le dearadh agus feidhmiú soithí iascaireachta. D’fhonn an bhearna eolais sin a sháru agus lena chinntiú go gcuirtear cúnamh don earnáil gabhála agus don earnáil dobharshaothraithe le haghaidh aistriú fuinnimh i dtreo na dtionscadal ceart, ní mór do BIM speisialtóir a bhfuil saineolas ar innealtóireacht mhara aige/aici a earcú.



Taithí agus Cáilíochtaí Riachtanacha

- Céim Baitsiléara nó ardchéim san Innealtóireacht Mheicniúil/Mhara nó disciplín a bhaineann go díreach leis sin.
- Taithí ábhartha iar-cháilíochta 5 bliana ar a laghad ar ailtireacht chabhlaigh, innealtóireachta mhara, suirbhéireacht loinge nó taithí ar bheith i d'innealtóir ar bord soitheach iascaireachta tráchtála.
- Taithí ar innealtóireacht maidir le laghdú carbóin lena n-áirítear eolas ar theicneolaíochtaí nuálacha maidir le laghdú carbóin.
- Eolas ar dhearadh soithí iascaireachta agus oibríochtaí iascaireachta.
- Scileanna comhoibrithe lena n-áirítear obair foirne, ag obair le foirne tionscadail dailte agus forbairt líonra gairmiúil agus cruthúnas air sin.
- Tuiscint láidir ar chórais bainistithe carbóin, ar chaighdeán agus ar phróisis rialachais.
- Ábalta oibriú gan mhaoirsiú agus ábalta a léiriú go bhfuiltear in ann é sin a dhéanamh ar do chonláin féin.
- Ábalta cumarsáid a dhéanamh go héifeachtach ar gach leibhéal sa scríobh agus ó bhéal.

Taithí agus Cáilíochtaí Inmhianaithe

- Eolas ar earnáil gabhála agus earnáil dobharshaothraithe na hÉireann.
- Eolas ar bheartas cabhlaigh agus ceadúnaithe na hÉireann.
- Eolas ar chodanna ábhartha den Chomhbheartais Iascaigh maidir le beartas cabhlaigh.
- Eolas ar chláracha maoinithe AE lena n-áirítear an EMFAF agus Fís Eorpach.
- Eolas ar riachtanais rialála agus aicme maidir le soithí iascaireachta.



Tréithe pearsanta atá de dhíth don phost:

- Taithí a bheith ag obair i gcomhar le saineolaithe eile sa réimse ábhartha agus le baill d'fhoireann teicniúil.
- Scileanna maithe i dtaobh féin-eagrúcháin agus tosaíochtaí a leagan amach, agus cumas tosaíochtaí iomadúla a bhainistiú.
- Taithí chruthaithe ar bheith ag obair le comhpháirtithe ilchineálacha chun fadhbanna a réiteach agus spriocanna coiteanna a bhaint amach.
- An cumas a bheith ag obair go neamhspleách agus mar bhall foirne éifeachtach araon, a léiríonn treallús agus cruthaitheacht.
- An cumas a bheith ag obair i dtimpeallachtaí oibre deacra lena n-áirítear ar bord soithí iascaireachta chomh maith le cuairt a thabhairt ar shoithí i longchlóis nó i nduganna tirime.
- Scileanna maithe idirphearsanta agus cumarsáide, agus cumas a bheith ag obair go cáiréiseach le páirtithe leasmhara chun fadhbanna a réiteach.

Teagmhálaithe:

Laistigh de BIM	ESSU agus Foireann BIM níos leithne.
Lasmuigh de BIM	Foras na Mara, SFPA, DAFM, an earnáil gabhála, an tIonad Comhpháirteach Taighde (JRC), Grúpa Pleanála an DCF ar Chúrsaí Eacnamaíochta (RCGEcon) Coiste Teicniúil, Eolaíochta agus Geilleagrach Choimisiún an AE (STECF (Coiste Teicniúil, Eolaíochta agus Geilleagrach d'Iascaigh)).



Téarmaí agus Sochair

Tuarastal

Beidh luach saothair de réir Scála Tuarastail ceadaithe na Roinne Airgeadais don Earnáil Phoiblí, le réimse tuarastail €84,937 -€106,004 (amhail an 1 Márta 2025) sa bhliain dailte go comhréireach i ndáil leis an am a oibreofar. Ag an gcéad phointe iontrála ar an scála a cheapfar an t-iarratasóir a n-éireoidh leis mura bhfuil an t- iarratasóir fostaithe laistigh de na Seirbhísí Poiblí faoi láthair.

Déanfar ball den Scéim Pinsin Seirbhíse Poiblí Aonair díot mura bhfuil tú i do bhall de scéim pinsin earnála poiblí i láthair na huaire (nó mura raibh tú i do bhall de scéim pinsin earnála poiblí le sé mhí anuas). Tá Scéim Tuarastail agus Pinsin faoi réir ag gnásanna faofa earnála poiblí agus glacann cuntas ar sheirbhís le déanaí san earnáil phoiblí ag teacht le himlitreacha agus rialacha ábhartha.

Saoire Bhliantúil

Is é 30 lá oibre in aghaidh na bliana pro-rata chun an t-am a oibríodh a léiriú an teidlíocht saoire bliantúla atá ag gabháil leis an ról seo. Níl Laethanta Saoire Poiblí san áireamh i dteidlíochtaí saoire bliantúla. Ní mór gach lá saoire a bheith ceadaithe roimh ré ag do bhainisteoir nó ag a n-ionadaí údaráithe i gcomhréir le polasaithe saoire BIM.

Clár Cúnaimh d'Fhostaithe (EAP)

Cuireann BIM seirbhís EAP atá 100% faoi rún agus neamhspleách ar fáil trí Spectrum a chuireann comhairle ghairmiúil agus neamhchlaonta, eolas agus comhairleoireacht ar fáil ar réimse saincheisteanna lena n-áirítear ceisteanna dlí, airgeadais agus sláinte. Tá an tseirbhís sin saor in aisce d'fhostaithe agus tá sí ar fáil freisin do gharghaolta leat.

Seirbhís Sláinte Ceirde

Oibríonn BIM le soláthraí seirbhíse Sláinte Ceirde neamhspleách a chuireann tacaíocht agus comhairle ar fáil d'fhostaithe a bhfuil tinneas orthu nó riocht sláinte ag dul dóibh atá ag cur isteach ar a gcumas obair a dhéanamh.

Aonad Fístaispeána

Is féidir le fostaithe suas go €117 a fháil ar ais ar thástáil súl.

Taisteal agus Cothú


Íoctar costais taistil agus chothaithe le fostaithe a bhfuil orthu taisteal i gcomhréir le rátaí ceadaithe.

Scéim Coigilteora Cánach

Is féidir le fostaithe a thaistealaíonn chuig an obair ar an gcóras iompair phoiblí leas a bhaint as Ticíad Coigilteora Cánach bliantúil chun méid suntasach airgid a shábháil ar chostais taistil.

An Scéim um Rothaíocht chun na hOibre

Is féidir le fostaithe a thagann chuig an obair ar rothar nó a bhíonn ar rothar le linn cuid den turas leas a bhaint as an Scéim um Rothaíocht chun na hOibre.



An Bealach le hiarratas a dhéanamh:

Ba chóir C.V. iomlán chomh maith le litir iarratais agus a [Foirm Iarratais Folúntais BIM](#) chomhlánaithe ina ndéantar cur síos ar thaithí agus scileanna a bhaineann leis an bpost, a sheoladh ar ríomhphost chuig

jobs@bim.ie

An dáta deiridh a nglacfar le hIarratais

3 Meitheamh 2025

Tabhair ar aird go bhféadfadh níos mó ná céim agallaimh amháin a bheith i gceist leis an bpróiseas earcaíochta don ról seo agus go bhféadfadh BIM iarraidh ar na hiarratasóirí a roghnaítear cur i láthair gearr a dhéanamh ar ábhar a bheidh roghnaithe roimh ré ag céim an agallaimh dheiridh. Tabhair ar aird nach nglacfar le hiarratais a bheidh déanach.

Is Innealtóir Grád Ié seo agus tá Bord Iascaigh Mhara ag teacht le Samhail Inniúlachta na Seirbhíse um [Cheapacháin Phoiblí Inniúlachtaí PAS](#).

Úsáid Sonraí

Ní bhainfear úsáid as na sonraí pearsanta ná an fhaisnéis go léir a chuirtear ar aghaidh leis an iarratas seo ach chun críche an fheachtais sin agus don fheachtas sin amháin, agus déanfar na sonraí agus an fhaisnéis a scríosadh ansin i gcomhréir le Polasaí an Rialacháin Ghinearálta maidir le Cosaint Sonraí agus an sceideal coinneála sonraí atá againn.

Caithfear le gach faisnéis go huile agus go hiomlán faoi rún agus ní bheidh rochtain ar an bhfaisnéis sin ach ag na daoine sin a bhfuil baint dhíreach acu leis an bhfeachtas.

Ba cheart aon cheist maidir leis an ról seo a sheoladh ar ríomhphost chuig jobs@bim.ie

Is fostóir comhdheiseanna é Bord Iascaigh Mhara

